

17 April 2013

Shalom Pastor/Penatua/Pemimpin,

Kenyataan berikut telah dikeluarkan kepada pihak media pada hari ini. Kami berharap ini dapat mendorong anda dan gereja anda dalam memenuhi kedua-dua kewajiban kita iaitu untuk beribadah kepada Allah pada hari Sabat dan juga untuk negara dengan mengundi.

NECF: Perkara asas dan bijaksana yang perlu dilakukan oleh setiap orang Kristian pada 5 Mei 2013

Semenjak Suruhanjaya Pilihanraya mengumumkan tarikh mengundi ialah pada 5 Mei 2013, ramai orang Kristian yang kecewa dengan pemilihan tarikh tersebut. Komuniti Kristian evangelikal di Malaysia terutamanya di Sabah dan Sarawak berasa tidak berpuas hati terhadap pihak kerajaan kerana tidak mengambil kira kepentingan orang Kristian dan menetapkan tarikh mengundi untuk pilihanraya umum pada hari Ahad.

Tindakan tersebut menunjukkan satu tanda tidak hormat kepada majoriti orang Kristian yang beribadah pada hari Ahad dan juga untuk Perjamuan Kudus.

Ini bukanlah contoh pertama ketidakpekaan yang ditunjukkan terhadap orang Kristian. Pada masa lalu, kami telah menerima aduan-aduan mengenai peperiksaan dan kuliah-kuliah di institusi pengajian tinggi yang dijalankan pada hari Ahad, maka itu telah menyukarkan pelajar Kristian, baik pelajar tempatan mahupun pelajar asing tidak dapat mengamalkan ibadah mereka tanpa sebarang halangan.

Untuk menjalankan pengundian pada hari Ahad merupakan dilema moral dan rohani kepada para pastor, pemimpin-pemimpin gereja serta bagi semua jemaat. Oleh itu, sekarang kebanyakan orang Kristian akan mempertimbangkan antara menghadiri Kebaktian hari Ahad dan juga menunaikan tanggungjawab mengundi sebagai warganegara kepada negara ini. Bagi kebanyakan orang, ini akan melibatkan perjalanan kembali ke kampung halaman dan ke kawasan-kawasan lain untuk membuang undi mereka. Masalah ini akan menjadi lebih sukar kepada mereka yang dari Malaysia Timur kerana jarak yang jauh dan masalah mengatur perjalanan.

Walaupun begitu, NECF Malaysia merayu kepada semua orang Kristian dan gereja-gereja untuk kekal positif, mengingati bahawa kedua-dua iaitu ibadah hari minggu dan mengundi merupakan keseluruhan kewajipan Kristian dan tanggungjawab terhadap Allah dan negara. Kita percaya kedua-duanya merupakan penghormatan kepada Allah dan juga menunaikan tanggungjawab kita untuk mengundi.

Menjalankan kebaktian pada hari Sabtu atau pada petang hari Ahad sebagai alternatif untuk memudahkan keluar mengundi yang bukan sahaja bijak tetapi satu perkara yang logik untuk dilakukan. Perubahan ini mungkin bermanfaat kepada orang-orang di Malaysia Timur kerana beberapa pusat mengundi di sana akan ditutup seawal 1.00 petang.

Dengan cara ini, ia akan mencerminkan penglibatan orang Kristian yang baik memandangkan betapa pentingnya pilihan raya umum ini kepada negara kita.

Eugene Yapp
Setiausaha Agung
NECF Malaysia